

Missingiut

Meeqqat pillugit inatsisip Kalaallit Nunaannut atuutilersinneqarnissaanik peqqussut

UAGUT MARGRETHE AAPPAAT, Guutip Saammaanneranit Danmarkip Dronngia, nalunaarpugut:

Meeqqat pillugit inatsimmi § 38¹ naapertorlugu, tak. inatsit nr. 460, 7. juni 2001-imeersoq, toqusumik misissuineq, toqungasut timaannik nakorsatut misissuineq aamma timip ilaanik nuussineq il.il. pillugit aamma meeqqat pillugit inatsimmi inatsisip (Naartuersinnerup aamma toqungasumik erninerup akornanni killissamik allannguineq aamma meeqqanut toqungallutik inunngortunut ataataassutsimik nalunaarsuinnermut maleruagassanik pisariillisaaneq) allanngortinneqarnera pillugu inatsimmi nr. 133 2. marts 2004-meersumi § 4², pisortani oqartussanut qinnuteqaatit, nalunaarutiginninnerit, qinnuteqaatiginninnerit, nalunaarutit aamma nalunaarutit erklæringit pillugit (Aningaasaqarnikkut akeqanngitsumik inissamut tapiissutinik qinnuteqaatit, nakorsamik toqqaanermik nalunaarutit, atsiinissamik atinillu allanngortitsineq pillugit qinnuteqaatit, ataataassutsimut uppersaammik tunniussineq, sikkiliniq tillittoqarsimaneranik nalunaarutiginninnerit il.il. eqqarsaatigalugit innuttaasunut digitalimik pinngitsoorani imminut sullittussaannermut ikaarsaariarneq) pillugit inatsisini aalajangersakkanik allanngortitsineq pillugu inatsimmi nr. 622, 12. juni 2013-imeersumi § 19, imm. 3³, meeqqat pillugit inatsisip, meeravissartaartarneq pillugu inatsisip, eqqartuussisarnermut inatsisip inatsisillu assigiinngitsut allat (Anaanaqataassuseq il.il.) allanngortinneqarnerat pillugu inatsimmi nr. 652, 12. juni 2013-imeersumi § 10, imm. 2,², passunneqarnermut, naappaammik suussusersiinnermut ilisimatusarnermullu il.il. inatsimmi nr. 1313 27. november 2013-imeersumi § 8, imm. 3,³ ikkussivigineqarnikkut naartulersinneqarneq pillugu inatsisip, timip ipiutaasartai pillugit inatsisip, meeqqat pillugit inatsisip, meeqqat pilersorneqarnissaannik inatsisip aamma eqqartuussisarnermut inatsisip (Kinguaassiorsinnaanermut ikiorneqarneq oqariartaatsini atorineqartutut, mannessanik toqortarinnittarnerup sivissusua pillugu immikkut akuerineqarnissamut periarfissaq, passunneqarnissamut akuerineqarneq kiisalu pisunik kissaatigineqanngitsunik aamma kingunerluutinik sualuttunik ilalisaatitigut nappaatitit ilusilinnik il.il. nalunaarutiginnittarnermut akisussaasut amerlineqarnerat) allanngortinneqarnerat, katissimasutut aappariinnermik pilersitsisarneq aamma atorunnaarsitsisarneq pillugit inatsisini aalajangersakkanik assigiinngitsunik allanngortitsinerit pillugit aamma meeqqat pillugit inatsimmik allanngortitsineq (nakuuserneq aamma kinguaassiuutitigut innarliineq avinnermut pissutissatut il.il.) pillugit inatsimmi nr. 485 21. maj 2014-imeersumi § 4⁴, pisortani oqartussanut qinnuteqaatit, nalunaarutiginninnerit, nalunaarutit, qinnutiginninnerit aamma nalunaarutit pillugit inatsisini aalajangersakkanik assigiinngitsunik (sanaartornissamut akuersissutinik qinnuteqarneq, angajoqqaatut oqartussaassutsimik qinnuteqarneq, meeqqap najugaa, peqatiginninneq il.il., averusernissamut avinnissamillu qinnutiginninnerit, meeqqamut katissimasatullu aapparissamut akilersuutinik qinnuteqaatit, ineqartup akileeqaataassutissaanut taarsigassarsinissamik qinnuteqaatit, biilit unittarfianni uninngatitsinissamut akuersissummik qinnuteqarneq aamma Qitiusumik Inuit Nalunaarsorsimaffiat il.il. pillugu inatsit malillugu atsiorlugit uppersaatinik qinnutiginninneq eqqarsaatigalugit innuttaasunut digitalimik pinngitsoorani imminut sullittussaannermut ikaarsaariarneq) allanngortitsinerit pillugit inatsimmi nr. 552 2. juni 2014-imeersumi § 17, imm. 3,⁵, ilaqutariinnut inatsisinut tunngasuni naammagittaalliuteqarsinnaaneq aamma piginnaasat il.il. pillugit aalajangersakkanik assigiinngitsunik allannguineq (Ankestyrelsen ilaqutariinnut inatsisinut tunngasuni naammagittaalliuteqartarfittut il.il.) pillugu, aamma inatsimmi nr. 1741 22. december 2015-imeersumi § 14, imm. 3,⁶, angajoqqaat akisussaanagerat pillugu inatsisip, katissimasutut aappariilersarneq aamma atorunnaarsitsisarneq pillugu inatsisip inatsisillu assigiinngitsut allat (Familierehuset pillugu inatsisip allanngortinneqarnerata aamma angajoqqaat akisussaanagerat pillugu inatsit malillugu suliani meeqqat illersorneqarnissaannik isiginninnerup annertusineqarnerata malitsigisaannik allanngortitsinerit)

allanngortinneqarnerat pillugu inatsimmi nr. 1711 27. december 2018-imeersumi § 44, imm. 4,⁷, angajoqqaat akisussaanerat pillugu inatsisip, Familieretshuset pillugu inatsisip, katissimasutut aappariilersarnek atorunnaarsitsisarnerlu pillugu inatsisip inatsisillu assigiinngitsut allat (Pinngitsaalisamik avitseqatigiiffiusumik najugaqatigiittussaanerup atorunnaarsinneqarnera aamma ilaqutariinnut inatsiseqartitsinerup nutaap pilersinneqarnerata malittareqqinneqarnera il.il.) allanngortinneqarnerat pillugu inatsimmi nr. 962 26. juni 2020-meersumi § 14, imm. 2,⁸ malitsigisaannik aalajangersarneqarpoq, meeqqat pillugit inatsit Kalaallit Nunaannut atuutissasoq tulliuuttuni ima oqaasertaqarluni:

Kapitali 1

Erninermut atatillugu ataataassutsimik nalunaarsuineq

§ 1. Meeraq arnamit angummut katissimasumit erniarineqarpat, aappaasoq meeqqamut ataataasutut isigineqassaaq, taamaattorli tak. imm. 2. Ataataassutsimik nalunaarsuineq suliarineqassaaq palasimit allattaavissuarnut allattuisuusumit meeqqap inunngornerata nalunaarsorneqarneranut atatillugu.

Imm. 2. Imm. 1-imi aalajangersagaq atuutissanngilaq

- 1) aappariit meeqqap inunngornerani averusersimappata,
- 2) anaanaasoq meeqqap inunngornissaa sioqqullugu qaammatini kingullerni qulini allamik katissimasaminik aappaqarsimappat imaluunniit averusersimanani nalunaarsugaasumik aappaqarsimappat imaluunniit
- 3) aappariit marluullutik ataataassarsiuussinermik suliamik pilersitsitsoqarnissaa qinnutigippassuk.

Imm. 3. Imm. 1-imi aalajangersagaq assingusumik atuutissaaq, katissimasatut aapparisaq meeqqap inunngornissaa sioqqullugu qaammatit kingulliit qulit iluanni toqusimappat.

Imm. 4. Imm. 3-mi aalajangersagaq, tak. imm. 1, atuutissanngilaq

- 1) aappariit toqusoqarnerata nalaani averusersimappata,
- 2) anaanaasoq meeqqap inunngornissaa sioqqullugu qaammatini kingullerni qulini allamik katissimasamik aappaqarsimappat imaluunniit averusersimanani allamik nalunaarsugaasumik aappaqarsimappat imaluunniit
- 3) anaanaasup ataataassarsiuussinermik suliamik pilersitsitsoqarnissaa qinnutigippagu.

§ 1 a. Meeraq arnamit arnamut katissimasumit imaluunniit arnamik nalunaarsugaasumik aappaqartumit erniarineqarpat, anisuumik tunisisoq meeqqamut ataataasutut nalunaarsorneqassaaq, § 27 a, imm. 1-imi piumasaaqatit naammassineqarsimappata, taamaattorli tak. imm. 3. Ataataassutsimik nalunaarsuineq suliarineqassaaq Naalagaaffiup sinniisuanit meeqqap inunngornerata nalunaarsorneqarneranut atatillugu.

Imm. 2. Imm. 1-imi aalajangersagaq assingusumik atuutissaaq, anisuumik tunisisoq meeqqap inunngornera sioqqullugu toqusimappat, kisiannili anaanaasoq ikiorneqarluni naartulernissamut passunneqareersimappat imaluunniit assingusumik passunneqareersimappat.

Imm. 3. Imm. 1 aamma 2-mi aalajangersakkat atuutissanngillat

- 1) anaanaasoq meeqqap inunngornera sioqqullugu qaammatit kingulliit qulit iluanni arnamit § 27 imaluunniit § 27 a, imm. 1 naapertorlugu akuersissuteqarsimasumit allaasumut katissimasimappat imaluunniit averusersimanani allamik nalunaarsugaasumik aappaqarsimappat imaluunniit
- 2) illuatungiusoq, § 27 a-mi pineqartoq, ataataassutsimik imaluunniit anaanaassutsimik suliamik pilersitsitsoqarnissaanik qinnuteqarpat.

§ 2. Meeraq arnamit katissimanngitsumit erniarineqarpat, angut meeqqamut ataataasutut isigineqassaaq, taanna anaanaasorlu allakkatigut nalunaarpata, peqatigiillutik meeqqamut isumassuineramik akisussaaffimmillu isumaginnikkumallutik. Ataataassutsimik nalunaarsuineq suliarineqassaaq palasimit allattaavissuarnut allattuisuusumit meeqqap inunngornerata nalunaarsorneqarneranut atatillugu.

Imm. 2. Meeraq toqungalluni erniarineqarsimappat imaluunniit meeqqap inunngorneranik nalunaarsuineq sioqqullugu toqusimappat, angut meeqqap erniarineqarneranik nalunaarsuineranut atatillugu meeqqamut ataataasutut nalunaarsorneqarsinnaavoq, taanna anaanaasorlu allakkatigut nalunaarpata, taassuma ataataasutut nalunaarsorneqarnissaa kissaatigigitsik.

Imm. 3. Imm. 1 aamma 2-mi aalajangersakkat atuutissanngillat

- 1) anaanaasoq meeqqap inunngornissaa sioqqullugu qaammatit kingulliit qulit iluanni allamik katissimasaminik aappaqarsimappat imaluunniit averusersimanani nalunaarsugaasumik aappaqarsimappat imaluunniit
- 2) piffissami nalunaarutiginniffiusumi illuatungeriinni ataaseq imaluunniit marluullutik oqartussaassuseqanngippata imaluunniit angajoqqaatut oqartussaassulimmit akisussaaffigineqarpata.

§ 3. § 14, imm. 1, imm. 2, nr. 1, imaluunniit imm. 4, nr. 1, malillugit ataataassuseq meeqqap inunngornera sioqqullugu akuerineqarsimappat, tamanna tunngavigalugu meeqqap inunngorneranut atatillugu palasimit allattaavissuarnut allattuisuusumit nalunaarsorneqassaaq.

Kapitel 1 a

Erninermut atatillugu anaanaqataassutsimik nalunaarsuineq

§ 3 a. Meeraq arnamit arnamut katissimasumit imaluunniit arnamik nalunaarsugaasumik aappaqartumit erniarineqarsimappat, katissimasatut aappaasoq imaluunniit aappaasoq meeqqamut anaanaqataasutut isigineqassaaq, § 27-mi imaluunniit § 27 a, imm. 2-mi piumasaqaatit naammassineqarsimappata, taamaattoq takuuk imm. 2. Anaanaqataassutsimik nalunaarsuineq meeqqap inunngorneranut atatillugu Naalagaaffiup sinniisuanit suliarineqassaaq.

Imm. 2. Imm. 1-mi aalajangersagaq atuutissanngilaq

- 1) katissimasutut aappariiusut imaluunniit nalunaarsugaasumik aappariiusut meeqqap inunngornerani averusersimappata,
- 2) anaanaasoq meeqqap inunngornissaa sioqqullugu qaammatini kingullerni qulini averusersimanani angummik allamik imaluunniit arnamik allamik katissimasaminik aappaqarsimappat, imaluunniit
- 3) katissimasutut aappariit marluullutik imaluunniit nalunaarsugaasumik aappariit marluullutik qinnuteqarpata, ataataassarsiuussinermik imaluunniit anaanaqataassutsimik suliamik pilersitsisoqarnissaanik.

Imm. 3. Imm. 1-mi aalajangersagaq assingusumik atuutissaaq, katissimasatut aappaasoq imaluunniit nalunaarsugaasumik aappaasoq meeqqap inunngornera sioqqullugu, kisiannili anaanaasup ikiorneqarluni kinguaassiornissamik passunneqareernerata kingorna toqusimappat, aammalu § 27-mi imaluunniit § 27 a, imm. 2-mi piumasaqaatit naammassineqarsimappata taamaattoq tak. imm. 4.

Imm. 4. Imm. 3-mi aalajangersagaq, tak. imm. 1, atuutissanngilaq

- 1) katissimasutut aappariit imaluunniit nalunaarsugaasumik aappariit toqusoqarnerata nalaani averusersimappata,
- 2) anaanaasoq meeqqap inunngornissaa sioqqullugu qaammatini kingullerni qulini angummik imaluunniit arnamik allamik katissimasamik imaluunniit averusersimanani imaluunniit
- 3) anaanaasup ataataassarsiuussinermik imaluunniit anaanaqataassutsimik suliamik pilersitsitsisoqarnissaa qinnutigippagu.

§ 3 b. Meeraq arnamit katissimannngitsumit erniarineqarpat, arnaq meeqqamut anaanaqataasutut isigineqassaaq, taanna anaanaasorlu allakkatigut nalunaarpata, peqatigiillutik meeqqamut isumassuineramik akisussaaffimmillu isumaginnikkumallutik, aammalu § 27-mi imaluunniit § 27 a, imm. 2-mi piumasaqaatit naammassineqarsimappata, taamaattoq tak. imm. 3. Anaanaqataassutsimik nalunaarsuineq suliarineqassaaq Naalagaaffiup sinniisuanit meeqqap inunngornerata nalunaarsorneqarneranut atatillugu.

Imm. 2. Meeraq toqungalluni erniarineqarsimappat imaluunniit meeqqap inunngorneranik nalunaarsuineq sioqqullugu toqusimappat, arnaq meeqqap erniarineqarneranik nalunaarsuineranut atatillugu meeqqamut anaanaqataasutut nalunaarsorneqarsinnaavoq, taanna anaanaasorlu allakkatigut nalunaarpata, taassuma anaanaqataasutut nalunaarsorneqarnissaa kissaatigigitsik, aammalu § 27-mi imaluunniit § 27 a, imm. 2-mi piumasaqaatit naammassineqarsimappata, taamaattoq tak. imm. 3

Imm. 3. Imm. 1 aamma 2-mi aalajangersakkat atuutissanngillat

- 1) anaanaasoq meeqqap inunngornissaa sioqqullugu qaammatini kingullerni qulini averusersimanani angummik allamik imaluunniit arnamik allamik katissimasaminik aappaqarsimappat imaluunniit nalunaarsugaasumik aappaqarsimappat, imaluunniit
- 2) piffissami nalunaarutiginniffiusumi illuatungeriinni ataaseq imaluunniit marluullutik oqartussaassuseqanngippata imaluunniit angajoqqaatut oqartussaassulimmit akisussaaffigineqarpata.

§ 3 c. § 14, imm. 1 malillugu anaanaqataassuseq meeqqap inunngornera sioqqullugu akuerineqarsimappat, tamanna tunngavigalugu meeqqap inunngorneranut atatillugu palasimit allattaavissuarnut allattuisuusumit nalunaarsorneqassaaq.

Kapitali 2

Naalagaaffiup Sinniisuanani ataataassutsimik anaanaqataassutsimillu suliamik suliarinninneq

Suliamik aallartitsineq

§ 4. Meeqqap inunngornissaa sioqqullugu suliaq anaanaasumit imaluunniit Naalagaaffiup Sinniisuanit aallartinneqarsinnaavoq.

§ 5. Ataataassuseq imaluunniit anaanaqataassuseq kapitali 1 imaluunniit 1 a malillugit Naalagaaffiup Sinniisuanani akuerineqarsimappat, meeqqap inunngorneranit qaammatit arfinillit qaangiutsinnagit suliaq anaanaasumit, ataataasumit, anaanaqataasumit imaluunniit meeqqamut angajoqqaatut oqartussaassusilimmit aallartinneqarsinnaavoq.

Imm. 2. Ataataassuseq §§ 1 imaluunniit 1 a malillugit nalunaarsorneqarsimappat, imaluunniit anaanaqataassuseq § 3 a malillugu nalunaarsorneqarsimappat, piffissaliussap assingata iluani suliaq ataataasup imaluunniit anaanaqataasup toqusutut pigisaanik isumaginnittuinit aallartinneqarsinnaavoq, ataataasup imaluunniit anaanaqataasup meeqqamik pigisamisut akuerinnissimasut isigineqarsinnaasimangippata.

§ 6. Angut anaanaasup piffissami naartulerfigisaani kinguaassiuutitigut atoqateqarsimasup meeqqamut ataataanermi misilinneqartinnissaanut pisinnaatitaaffeqarpoq, taamaattoq tak. imm. 2 aamma § 10. Tamatuminnga qinnutiginninneq allakkatigut pissaaq meeqqallu inunngorneranit qaammatit arfinillit qaangiutsinnagit saqqummiunneqassaalluni, piffissap qinnutiginniffiusup nalaani ataataassuseq imaluunniit anaanaqataassuseq pillugu suliamik ingerlatsisoqarsimangippat.

Imm. 2. Angut meeqqap ataataatut nalunaarsorneqarsimappat, imaluunniit arnaq meeqqamut anaanaqataasutut nalunaarsorneqarsimappat, imm. 1, jf. taamaattoq §§ 6 a aamma 6 b, malillugu ataataassutsimik suliamik pilersitsisoqarsinnaangilaq. Taamaattoq 1. pkt. apeqquataatinnagu angut ataataassutsimik suliamik pilersitsisinnaavoq, piffissami anaanaasup naartulerfigisaani anaanaasumut averusersimanani katissimaguni imaluunniit taassuminnga aalajangersimasumik inooqateqarsimaguni.

§ 6 a. Angut imaluunniit arnaq, §§ 27, 27 a imaluunniit 27 b malillugit akuersisimasup imaluunniit nalunaarutiginnissimasup, ataataassutsimik imaluunniit anaanaqataassutsimik suliamik pilersitsisinnaavoq. § 6, imm. 1, 2. pkt., assingusumik atuutissaaq.

§ 6 b. Angut, meeqqap inunngornissaa sioqqullugu qaammatit kingullit qulit iluanni averusersimanani anaanaasumut katissimasimasup, meeqqap inunngornera pillugu sapinngisamik piaartumik allakkatigut nalunaarfigineqassaaq ataataassutsimik suliamik aallartitsisinnaanermik ilitsersuutitalimmik. Tamannali atuutissangilaq suliami illuatungiusooreersimappat.

Imm. 2. Arnaq, meeqqap inunngornissaa sioqqullugu qaammatit kingullit qulit iluanni averusersimanani anaanaasumut katissimasimasup imaluunniit nalunaarsugaasumik aappaasimasup, meeqqap inunngornera pillugu sapinngisamik piaartumik allakkatigut nalunaarfigineqassaaq anaanaqataassutsimik suliamik aallartitsisinnaanermik ilitsersuutitalimmik. Tamannali atuutissangilaq arnaq suliami illuatungioereersimappat.

§ 7. Ataataassuseq imaluunniit anaanaqataassuseq meeqqap inunngorneraniit sapaatip-akunnerisa sisamat iluanni nalunaarsorneqarsimangippat, allanillu suliamik aallartitsisoqarsimangippat, Naalagaaffiup Sinniisua suliamik aallartitsissaaq, taamaattoq tak. imm. 2.

Imm. 2. Meeraq toqusimappat, ataataassuseq imaluunniit anaanaqataassuseq taamaallaat aalajangersartinniarneqarsinnaavoq, anaanaasup imaluunniit alla, tamatuminnga inatsisitsitigut soqutigisaqartoq, tamanna pillugu qinnutiginnippat.

Suliamik suliarinninneq

§ 8. Anaanaasup ilisimatitsissutigissavaa, meeqqamut kina ataataanersoq imaluunniit meeqqamut kina ataataasinnaanersoq. Ilanngullugu ilisimatitsissutigissavaa, kinguaassiorsinnaanermut ikiorneqarluni passunneqarsimanerluni imaluunniit assingusumik passunneqarsimanerluni, meeraq taamatut passunneqarnikkut naartorineqalersimasinnaappat, taamalu pisoqarsimappat ilisimatitsissutigissallugu, passussinermut kina akuersisimanersoq. Imm. 2-4 atuutsinneqarsimappata 1. aamma 2. pkt. atuutissanngillat.

Imm. 2. Ataataassutsimik imaluunniit anaanaqataassutsimik § 14, imm. 1 malillugu akuersissutiginnittoqarsimappat imm. 1-imi aalajangersagaq atuutissanngilaq.

Imm. 3. Ataataassuseq kapitali 1 malillugu nalunaarsorneqarsimappat, imaluunniit ataataassuseq meeqqat inunngornerata kingorna § 14, imm. 1 malillugu akuersissutigineqarsimappat, imm. 1 taamaallaat atuutissaaq, aalajangersarneqarpat imaluunniit pingaarutilimmik sakkortusineqartumik ilimanarsisinneqarpat, angut meeqqap ataataatut nalunaarsorneqarsimasoq, imaluunniit ataataassutsimik akuersissutiginnissimasoq, meeqqamut ataataanngitsoq, taamaattoq tak. imm. 4.

Imm. 4. Anaanaasoq kinguaassiorsinnaanermut ikiorneqarluni passunneqarsimappat imaluunniit assingusumik passunneqarsimappat, aamma ataataassuseq imaluunniit anaanaqataassuseq kapitali 1 imaluunniit 1 a malillugu nalunaarsorneqarsimappat, imaluunniit ataataassuseq imaluunniit anaanaqataassuseq § 14, imm. 1 malillugu akuersissutigineqarsimappat, imm. 1 taamaallaat atuutissaaq, meeqqap taamatut passunneqarnikkut naartorineqalersimannginnera pingaarutilimmik sakkortusineqartumik ilimanarsisinneqarpat.

Imm. 5. Anaanaasoq paasissutissanik imm. 1-imi pineqartunik tunniussaqaanngippat, tamatuma inuttaanut meeqqamullu qanoq isumaqarsinnaaneranik ilitsersorneqassaaq.

§ 9. Suliamut attuumassuteqartut tassaapput

- 1) meeraq imaluunniit taassuma toqusutut pigisaanik isumaginnittoq,
- 2) anaanaasoq imaluunniit toqusutut pigisaanik isumaginnittoq,
- 3) angut, ataataasutut nalunaarsorneqarsimasoq imaluunniit ataataassutsimik akuersissutiginnissimasoq, imaluunniit taassuma toqusutut pigisaanik isumaginnittoq,
- 4) angut, anaanaasup paasissutissiinerata kingorna meeqqamut ataataasoq imaluunniit meeqqamut ataataasinnaasoq, tak. § 8, imaluunniit taassuma toqusutut pigisaanik isumaginnittoq,
- 5) angut, meeqqamut ataataanermi misilinneqarnissaanik pisinnaatitaaffeqartoq, tak. §§ 6 imaluunniit 6 a, imaluunniit taassuma toqusutut pigisaanik isumaginnittoq,
- 6) arnaq, anaanaqataasutut nalunaarsorneqarsimasoq imaluunniit anaanaqataassutsimik akuersissutiginnissimasoq, imaluunniit taassuma toqusutut pigisaanik isumaginnittoq aamma
- 7) arnaq, meeqqamut anaanaqataanermi misilinneqarnissaanik pisinnaatitaarrfeqartoq, tak. § 6 a, imaluunniit taassuma toqusutut pigisaanik isumaginnittoq.

Imm. 2. Anaanaasoq toqusimappat, Naalagaaffiup Sinniisua meeqqamut angajoqqaatut oqartussaassuseqartup qinnuiginninneratigut angummik imaluunniit arnamik attuumassuteqartutut akuliutsitsissaaq, ilimanarsisinneqarsinnaappat, angut meeqqamut ataataasoq imaluunniit meeqqamut ataataasinnaasoq, imaluunniit arnaq meeqqamut anaanaqataasoq imaluunniit meeqqamut anaanaqataasinnaasoq.

§ 10. Meeraq pissutsit pillarneqaataasinnaasut aqutigalugit naartorineqalersimappat, angut, pissutsinik iliuuserinnissimasoq, meeqqamut ataatanngorsinnaanngilaq, meeqqamik eqqumaffiginninnerit aalajangiisuusut tamatumunnga akerliuppata.

§ 11. Naalagaaffiup Sinniisuata anaanaasoq angutillu, suliamut attuumassuteqartuusut, inatsisitigut ilalisaatinik misissuinernut peqataaqqullugit kaammattussavai, tamanna suliamut pingaaruteqarsinnaappat.

Imm. 2. Imm. 1-imi aalajangersagaq allanut suliamut attuumassuteqartuunngitsunut atorineqarsinnaavoq, tamanna suliamut aalajangiisuusumik isumaqassasoq ilimagineqarpat.

§ 12. Naalagaaffiup Sinniisuata aalajangersinnaavaa, angut, meeqqamut qularutissaanngitsumik ataataanngitsoq, aamma arnaq, meeqqamut anaanaqataasutut qularutissaanngitsumik isigineqarsinnaanngitsoq, suliamut peqataajunnaassasut.

§ 13. Naalagaaffiup Sinniisuata suliaq eqqartuussivimmuut tunniussinnavaa

- 1) suliamut attuumassuteqartut ilaata tamanna qinnutigippagu,

- 2) Naalagaaffiup Sinniisuata suliamik suliaqarnerup ingerlatiinnarneqarnissaa eqqarsarnartoqartippagu,
- 3) tamanut ammasumik nalunaarutiginnikkut aggersaasoqassappat imaluunniit Kalaallit Nunaannut eqqartuussisarnermut inatsimmi § 136 malillugu eqqartuussivikkut qinnuiginnissummik suliaqartoqassappat,
- 4) suliaq tamatuma saniatigut akuersissutiginnikkut imaluunniit Naalagaaffiup Sinniisuata unitsigallarneratigut inaarneqarsinnaanngippat imaluunniit
- 5) attuumassuteqartut ilaat oqartussaannermut inatsimmi kunngip peqqussutaatigut Kalaallit Nunaannut atuutilersinneqarsimasumi § 2 malillugu oqartussaassusiagaasimappat.

Ataataassutsimik anaanaqataassutsimillu akuersissutiginninneq

§ 14. Angut meeqqamut ataataassutsimik akuersissutiginnissinnaavoq, taassuma anaanaasullu nalunaarutigippassuk, meeqqamik isumaginninneq akisussaaffillu peqatigiillutik isumagiimagitsik. Tamannali atuutissanngilaq, anaanaasoq meeqqap inunngornissaa sioqqullugu imaluunniit inunngornissaa ilimagisaasoq sioqqullugu qaammatit kingullit qulit iluanni averusersimanani katissimasimappat imaluunniit nalunaarsugaasumik aappaqarsimappat. Tamatumunnga assingusumik 1. aamma 2. pkt. atuutissapput arnap meeqqamut anaanaqataassutsiminik akuersissutiginninneranut, § 27-mi imaluunniit § 27 a, imm. 2-mi piumasaaqatit naammassineqarsimappata.

Imm. 2. Angut meeqqap arnaanut piffissami naartulerfigisaani kinguaassiuutitigut atoqatiginnissimasoq ataataassutsimik akuersissutiginnissinnaavoq,

- 1) anaanaasoq paasissutissiissutigineqartut malillugit piffissami tassani angutinik allanik kinguaassiuutitigut atoqateqarsimanngippat aamma kinguaassiorsinnaannermut ikiorneqarluni passunneqarsimanngippat imaluunniit assingusumik angummit allamit anisuumik tunissutaasumik passunneqarsimanngippat imaluunniit
- 2) taanna qularutissaanngitsumik meeqqamut ataataappat.

Imm. 3. Anaanaasoq piffissami naartulerfigisamini angutinut allanut kinguaassiuutitigut attaveqarsimappat, imaluunniit kinguaassiorsinnaannermut ikiorneqarluni passunneqarsimappat imaluunniit assingusumik angummit allamit anisuumik tunissutaasumik passunneqarsimappat, angutip ataataassutsi akuersissutiginninnaavaa, taassuma anaanaasullu nalunaarutigippassuk, meeqqamik isumaginninneq akisussaaffillu peqatigiillutik isumagiimagitsik. Akuersissutiginninneq suliamut attuumassuteqartut sinnerinit atuuttussanngortinneqassaaq.

Imm. 4. Angut, § 27, § 27 a, imm. 1, imaluunniit § 27 b malillugit meeqqamut ataataasutut isigineqartoq, ataataassutsimik akuersissutiginnissinnaavoq

- 1) anaanaasoq paasissutissiissutigineqartut malillugit piffissami tassani angutinik allanik kinguaassiuutitigut atoqateqarsimanngippat aamma kinguaassiorsinnaannermut ikiorneqarluni passunneqarsimanngippat imaluunniit assingusumik imaluunniit angummit allamit anisuumik tunissutaasumik passunneqarsimanngippat imaluunniit
- 2) taanna qularutissaanngitsumik meeqqamut ataataappat.

Imm. 5. Arnaq, § 27 imaluunniit § 27 a, imm. 2, meeqqamut anaanaqataasutut isigineqartoq, anaanaqataassutsiminik akuersissutiginnissinnaavoq, anaanaasoq paasissutissiissutigineqartut malillugit piffissami naartulerfigisamini angummut kinguaassiuutitigut attaveqarsimanngippat aamma kinguaassiorsinnaannermut ikiorneqarluni passunneqarsimanngippat imaluunniit assingusumik passunneqarsimanngippat, tak. §§ 27, 27 a imaluunniit 27 b.

Imm. 6. Anaanaasoq piffissami naartulerfigisamini angummut kinguaassiuutitigut attaveqarsimappat, arnaq § 27 imaluunniit § 27 a, imm. 2 malillugit meeqqamut anaanaqataasutut isigineqartoq, anaanaqataassutsiminik akuersissutiginnissinnaavoq, taassuma anaanaasullu nalunaarutigippassuk, meeqqamik isumaginninneq akisussaaffillu peqatigiillutik isumagiimagitsik. Tamanna aamma atuutissaaq, anaanaasoq piffissami naartulerfigisamini kinguaassiorsinnaannermut ikiorneqarluni passunneqarsimappat imaluunniit assingusumik passunneqarsimappat, allalu passunneqarnermut akuersisimappat nalunaarsimappallu meeqqamut ataataajumalluni imaluunniit anaanaqataajumalluni, tak. §§ 27, 27 a imaluunniit 27 b. Akuersissutiginninneq peqataasut sinnerinit atuuttussanngortinneqassaaq.

Imm. 7. Imm. 1-6 malillugu akuersissutiginninneq allaganngorlugu pissaaq. Imm. 3 aamma 6 malillugit akuersissutiginninneq taamaallaat pisinnaavoq Naalagaaffiup Sinniisuani ataatsimeeqateqarnermi imaluunniit inummik, Naalagaaffiup Sinniisuata ataatsimeeqatigiinnermik ingerlatsinissamut piginnaatissimasaaq, ataatsimeeqateqarnermi.

Imm. 8. Attuumassuteqartut ilaat oqartussaannermut inatsimmi kunngip peqqussutaatigut Kalaallit Nunaannut atuutilersinneqarsimasumi § 2 malillugu oqartussaassusiarneqarsimappat, imm. 1-6 malillugu akuersissutiginninneq pisinnaangilaq. Ataataassutsimik imaluunniit anaanaqataassutsimik akuersissutiginnittoq ukiukitsuunini pissutigalugu oqartussaassuseqanngippat, angajoqqaatut oqartussaassusilik akuersissutiginninninnermik akuersissaaq. Kalaallit Nunaannut eqqartuussisarnermut inatsimmi § 193, imm. 2, 2. pkt., assingusumik atuutissaaq.

Imm. 9. Imm. 1-6 malillugu akuersissutiginninneq pitinnagu, angut, ataataassutsimik akuersissutiginnittoq, imaluunniit arnaq, anaanaqataassutsiminik akuersissutiginninneq, akuersissutiginninnerup inatsisitigut kingunerinik ilisimatinneqarsimassaaq kiisalu suliap eqqartuussivimmi aalajangiivigineqarnissaanik piunasaqartoqarsinnaaneramik ilisimatinneqarsimassaaq.

Imm. 10. Ataataassuseq imaluunniit anaanaqataassuseq imm. 2, nr. 2, imm. 3, imm. 4, nr. 2, imm. 5 aamma 6 malillugit meeqqap inunngornissaa sioqqullugu akuersissutigineqarsinnaangilaq.

Kapitali 3

Eqqartuussivimmi ataataassutsimik anaanaqataassutsimillu suliamik suliarinninneq

Suliamik suliassanngortitsineq

§ 15. Suliaq taamaallaat Naalagaaffiup Sinnisuanit eqqartuussivimmut suliassanngortinneqarsinnaavoq.

Suliamik suliarinninneq

§ 16. Anaanaasoq eqqartuussivimmut takkunnissamat kinalu meeqqamut ataataansoq imaluunniit ataataasinnaansoq, aamma kinguaassiorsinnaannermut ikiorneqarluni passunneqarsimanerluni imaluunniit assingusumik passunneqarsimanerluni, meeraq taamatut passussinikkut pinngorsimasinnaappat, taamalu pisoqarsimappat passussinissamat kina akuersisimanersoq pillugu nassuiaateqarnissamat pisussaaffeqarpoq. § 8, imm. 2-5, assingusumik atuutissaaq.

§ 17. Eqqartuussiviup angutit arnallu,, § 9-mi taaneqartut, aamma angutit imaluunniit arnat, paasisutissiissutigineqartut malillugit meeqqamut ataataasinnaasut imaluunniit anaanaqataasinnaasut, akuliutitissavai. §§ 6 b, 10 aamma 12 assingusumik atuutissapput.

§ 18. Eqqartuussivik suliamut attuumassuteqartut inatsisitigut ilalisaatinik misissuiffigineqarnerisa ingerlanneqarnissaanik aalajangiissaaq, tamanna suliamut pingaaruteqarsinnaappat. § 11, imm. 2, assingusumik atuutissaaq.

Ataataassutsimik anaanaqataassutsimillu akuersissutiginninneq

§ 19. Ataataassuseq aamma anaanaqataassuseq eqqartuussivimmut akuersissutigineqarsinnaavoq. § 14 assingusumik atuutissaaq.

Ataataassutsimut aamma anaanaqataassutsimut eqqartuussut

§ 20. Angut ataataasutut eqqartuunneqassaaq, inatsisitigut ilalisaatinik misissuinerup inernerata kingorna meeqqamut qularutissaanngitsumik ataataasimappat.

Imm. 2. Pissutsini allani angut ataataasutut eqqartuunneqassaaq, anaanaasumut piffissami naartulerfigisimasaani kinguaassiuutitigut attaveqarsimaguni, aamma pissutsinik meeqqamut ataataaneramik ilimanarunnaarsitsisunik atuuttoqarsimanngippat. Anaanaasoq piffissami naartulerfigisamini angutinut allanut kinguaassiuutitigut attaveqarsimappat, taamatuttaaq tunngavittut piunasaqaataassaaq

1) taakkua arlaannaalluunniit inatsisitigut ilalisaatinik misissuinerup inernerata kingorna meeqqamut ataataanngitsaq imaluunniit

2) taakkua arlaannaalluunniit meeqqamut ataataanngitsut annertunertigut ilimanaateqanngitsaq.

Imm. 3. Imm. 2, 2. pkt., nr. 2, malillugit aalajangiisoqartillugu, anaanaasup piffissami naartulerfigisamini angutip ilaannik katissimasutut aappaqarsimanera imaluunniit inooqateqarsimanera pingaaruteqartinneqassaaq.

Imm. 4. Arnaq anaanaqataasussatut eqqartuunneqarsinnaavoq, taanna § 27 imaluunniit § 27 a, imm. 2, malillugu meeqqamut anaanaqataasutut isigineqarpat.

Imm. 5. Angut ataataasutut eqqartuunneqarsinnaavoq, § 27, § 27 a, imm. 1, imaluunniit §§ 27 b imaluunniit 27 c malillugit meeqqamut ataataasutut isigineqarpat.

Kapitel 4

Suliarinneqqilerneq

§ 21. Meeqqamut ataataassuseq imaluunniit anaanaqataassuseq nalunaarsorneqarsimanngippat imaluunniit akuersissutiginninnikkut imaluunniit eqqartuussutikkut aalajangersarneqarsimanngippat, anaanaasup imaluunniit taassuma toqusutut pigisaanik isumagittup, meeqqap imaluunniit tassunga angajoqqaatut oqartussaassusillip imaluunniit taassuma toqusutut pigisaanik isumaginnittup, angutip § 6 imaluunniit § 6 a malillugu meeqqamut ataataanermi misilinneqartinnissaanik pisinnaatitaaffeqartup, imaluunniit arnap § 6 a malillugu meeqqamut anaanaqataanermi misilinneqartinnissaanik pisinnaatitaaffeqartup qinnutiginninneratigut suliamik suliarinneqqilersoqarsinnaavoq.

Imm. 2. Suliarinneqqilerneq taamaallaat pisinnaavoq, angutip aalajangersimasup meeqqamut ataatanngorsinnaanera, imaluunniit arnap aalajangersimasup meeqqamut anaanaqataasunngorsinnaanera ilimagineqarsinnaanngortinneqarpat.

Imm. 3. Meeraq oqartussaassuseqartutut ukioqarpat, meeqqap piumasaata akerlianik suliamik suliarinneqqilersoqarsinnaanngilaq.

§ 22. Meeqqamut ataataassuseq nalunaarsorneqarsimappat imaluunniit akuersissutiginninnikkut imaluunniit eqqartuussutikkut aalajangersarneqarsimappat, suliamik suliarinneqqilersoqarsinnaavoq, anaanaasup imaluunniit taassuma toqusutut pigisaanik isumaginnittup, meeqqap imaluunniit meeqqamut angajoqqaatut oqartussaassuseqartup imaluunniit taassuma toqusutut pigisaanik isumaginnittup isumaqatigiillutik tamanna qinnutigippassuk.

Imm. 2. Meeqqamut anaanaqataassuseq nalunaarsorneqarsimappat imaluunniit akuersissutiginninnikkut imaluunniit eqqartuussutikkut aalajangersarneqarsimappat, suliamik suliarinneqqilersoqarsinnaavoq, anaanaasup imaluunniit taassuma toqusutut pigisaanik isumaginnittup, meeqqap imaluunniit meeqqamut angajoqqaatut oqartussaassuseqartup imaluunniit taassuma toqusutut pigisaanik isumaginnittup isumaqatigiillutik tamanna qinnutigippassuk.

Imm. 3. Imm. 1 imaluunniit 2 malillugu suliarinneqqilerneq taamaallaat pisinnaavoq angutip meeqqamut ataatanngorsinnaanera imaluunniit arnap meeqqamut anaanaqataasunngorsinnaanera ilimanarsisneqarpat.

§ 23. Ataataassutsimik imaluunniit anaanaassutsimik nalunaarsuinermit atatillugu kukkusoqarsimappat, kia ataatatut imaluunniit anaanaqataasutut nalunaarsorneqarneranut pingaaruteqarsinnaasumikik, anaanaasup imaluunniit taassuma toqusutut pigisaanik isumaginnittup, meeqqamut angajoqqaatut oqartussaassuseqartup imaluunniit meeqqap toqusutut pigisaanik isumaginnittup, ataataasutut nalunaarsorneqarsimasup imaluunniit taassumatut toqusutut pigisaanik isumaginnittup, anaanaqataasutut nalunaarsorneqarsimasup imaluunniit taassuma toqusutut pigisaanik isumaginnittup imaluunniit angutip imaluunniit arnap, kukkusoqarsimanera pissutigalugu meeqqamut ataataasutut imaluunniit meeqqamut anaanaqataasutut nalunaarsorneqarsimanngitsut, imaluunniit taassuma toqusutut pigisaanik isumaginnittup meeqqap inunngorneraniit ukiut pingasut qaangiutsinnagit suliamik suliarinneqqilernissaq piumasarisinnaavaat.

Imm. 2. Imm. 1 malillugu suliaq ataataasumit imaluunniit taassuma toqusutut pigisaanik isumaginnittumit imaluunniit anaanaqataasumit imaluunniit taassuma toqusutut pigisaanik isumaginnittumit, ataataasooq imaluunniit anaanaqataasooq kukkusoqarsimaneranik ilisimasaqarluni imaluunniit ilimagisaqarluni meeraq akuersissutigisimappagu pimisut pineratigut. Suliaq aamma anaanaasumit imaluunniit taassuma toqusutut pigisaanik aqutsisumik suliasanngortinneqarsinnaanngilaq, taassuma kukkusoqarsimaneranik ilisimasaqarluni imaluunniit ilimagisaqarluni ataataasooq imaluunniit anaanaqataasooq meeqqamik pimisut pinnitsissimagunigit.

Imm. 3. Suliaq suliareqqinneqalersinnaavoq angummit imaluunniit arnamit, § 6 b malillugu meeqqap inunngorneranik nalunaarfigineqartussaasunit, nalunaarutiginninneq meeqqap inunngorneraniit qaammatit

tallimat qaangiutsinnagit pineqartumut anngussimanngippat. Pineqartup meeqqap inunngorneranik ilisimasaqalerneranik, inunngorneranillu kingusinnerpaamik ukiut pingasut qaangiunneranni, qinnutiginninneq saqqummiunneqassaaq pisariaqanngitsumik kinguarsaanertaqanngitsumik.

§ 24. Meeqqamut ataataassuseq imaluunniit anaanaqataassuseq nalunaarsorneqarsimappat imaluunniit akuersissutiginnikkut imaluunniit eqqartuussutikkut aalajangersarnearsimappat, anaanaasup imaluunniit taassuma toqusutut pigisaanik isumaginnittup, meeqqamut angajoqqaatut oqartussaassuseqartup imaluunniit toqusutut pigisaanik isumaginnittup, ataataasup imaluunniit taassuma toqusutut pigisaanik isumaginnittup imaluunniit anaanaqataasup imaluunniit taassuma toqusutut pigisaanik isumaginnittup meeqqap inunngorneranik ukiut pingasut qaangiutsinnagit suliap suliareqqinneqalernissaa qinnutigisinnaavaa, pissutsit suliamik allaanerusumik inerreqartitsinnaasutut ilimagineqartut pillugit paasissutissanik saqqummersoqarsimappat, imaluunniit suliap allamik inerreqarumaanerata ilimagineennaanum immikkut ittunik pissutissaqarpat.

Imm. 2. Imm. 1 malillugu aalajangiinerni pingaartumik pingaartinneqassaaq,

1) piffissaq meeqqap inunngorneraniit qanoq sivisutigisoq ingerlasimanersoq,

2) ataataasooq pissutsinik meeqqamut ataataanerminik qulalersitsisunik ilisimasaqartoq imaluunniit ilimagisaqartoq, meeqqamik pigisamisut pinninnermigut meeqqamik akuersissutiginnissimanersoq,

3) anaanaqataasooq pissutsinik meeqqamut anaanaqataanerminik qulalersitsisunik ilisimasaqartoq imaluunniit ilimagisaqartoq, meeqqamik pigisamisut pinninnermigut meeqqamik

akuersissutiginnissimanersoq,

4) anaanaasooq pissutsinik, nr. 2 aamma 3-mi taaneqartunik, ilisimasaqarluni imaluunniit ilimagisaqarluni, ataataasumik imaluunniit anaanaqataasumik meeqqamik pigisamisut pinnitsitsisimanersoq,

5) attuumassuteqartoq pissutsinik, kia meeqqamut ataataanerani imaluunniit anaanaqataanerani qulalersitsisunik ilisimasaqartoq imaluunniit ilimagisaqartoq, piffissap pissusissamisoortup iluaniunngitsooq suliamik suliarinneqqilersitsinissamik qinnutiginnissimanersoq, aamma

6) suliaq suliareqqinneqalerpat meeqqat ataataqalernissaa imaluunniit anaanaqataasumik anaanaqalernissaa ilimagineqarsinnaanersoq.

§ 25. §§ 23 aamma 24 malillugit suliarinneqqilernissaaq aalajangersakkani taakkunanik piffissaliussap qaangiunnerata kingorna akuerineqarsinnaavoq, qinnutiginninnerup siusinnerusukkut saqqummiunneqarsimannginneranut immikkut pissutaasunik tunngavilersuuteqartoqarsinnaappat, pissutsit suliarinneqqilernissamik annertuumik tunngavissiippata aamma ilimagineqartariaqarpat, suliamik suliarinneqqilerneq meeqqamut ajoqutissanik annertuumik kinguneqarnaviannngitsooq.

§ 26. Suliaq suliareqqinneqalissanik aalajangiineq Naalagaaffiup Sinnisuanit aalajangerneqassaaq.

Imm. 2. Naalagaaffiup Sininiisuata suliarinneqqilernissamik apeqqut eqqartuussivimmuut suliaassanngortissavaa, attuumassuteqartup Naalagaaffiup Sinnisuuata aalajangiineranik sapaatip-akunneri sisamat qaangiutsinnagi tamanna qinnutigippagu.

Imm. 3. Suliaq suliareqqinneqalerpat, kapitali 2 aamma 3 assingusumik atuutissapput, taamaattoq tak. imm. 4.

Imm. 4. Angut, siusinnerusukkut suliami attuumassuteqarsimasooq, kisianni inatsisitigut ilalisaatinik misissuinerit inernerisa kingorna imaluunniit arnamut piffissami naartulerfigisaata nalaani kinguaassiuutitigut attaveqarsimanersoq pillugu uppersaasatit kingorna meeqqamut ataataasutut isigineqarsimanngitsooq, piuumassuserinngisaminik akuutinneqaaqqissinnaanngilaq. Tamannali atuutissanngilaq, pissutsit suliamut pingaaruteqartut pillugit eqqunngitsumik nassuiaateqarsimappat imaluunniit taassuma ilisimasaanik kinaassutsimik paarlaassisoqarsimappat, ilalisaatinut tunngasunik atortussanik paarlaassisoqarsimappat imaluunniit assingusumik kukkusoqarsimappat.

Kapitali 5

Ataataassuseq, anaanaqataassuseq aamma kinguaassiorsinnaanermut ikiorneqarnikkut imaluunniit assingusumik passunneqarnikkut anaanaassuseq

Ataataassuseq aamma anaanaqataassuseq

§ 27. Arnaq kinguaassiorsinnaanermut ikiorneqarluni passunneqarsimappat imaluunniit peqqinnissakkut sulisumit assingusumik passunneqarsimappat imaluunniit peqqinnissakkut sulisup akisussaaffigisaanik assingusumik passunneqarsimappat, taassuma katissimasatut aappaa, nalunaarsugaasutut aappaa imaluunniit aappaa meeqqamut ataataasutut imaluunniit anaanaqataasutut isigineqassaaq, taanna passunneqarnissamut akuersisimappat meerarlu taamaaliornikkut pinngorsimasutut isigineqartariaqarpat, taamaattoq tak. § 27 a, imm. 1. Akuersineq allaganngorlugu akuersinerussaaq angutillu meeqqamut ataataasussaaneranik, imaluunniit arnap meeqqamut anaanaqataasussaaneranik, nalunaarummik imaqaassalluni.

§ 27 a. Arnaq, arnamut katissimasoq imaluunniit nalunaarsugaasumik aappaqartoq imaluunniit arnamik aappaqartoq, kinguaassiorsinnaanermut ikiorneqarluni peqqinnissakkut sulisumit passunneqarsimappat imaluunniit peqqinnissakkut sulisup akisussaaffigisaanik assingusumik passunneqarsimappat angutip ilisimaneqartup anisuuaniq, angut meeqqamut ataataasutut isigineqassaaq, meeraq passunneqarnermit tamatumanga pinngorsimasutut ilimagineqarpat angutillu allakkatigut nalunaarutigisimappagu, meeqqamut ataataassalluni, taamaattoq tak. imm. 2. Katisimasoq, nalunaarsugaasutut apparisaq imaluunniit arnamut passunneqartussamut aappaasoq passunneqarnermut allakkatigut akuersisimassaaq.

Imm. 2. Imm. 1-imi aalajangersagaq atuutissanngilaq, attuumassuteqartut pingasut, imm. 1-imi taaneqartut, allakkatigut nalunaarpata, arnamut passunneqartussamut katissimasatut aappaasoq, nalunaarsugaasumik aappaasoq imaluunniit aappaasoq, meeqqamut anaanaqataassasoq. Tamatuma kingorna katissimasatut aappaasoq, nalunaarsugaasumik aappaasoq imaluunniit aappaasoq meeqqamut anaanaqataasutut isigineqassaaq.

§ 27 b. Pissutsini, §§ 27 imaluunniit 27 a-mit pineqanngitsuni, anisuumik tunisisoq meeqqamut, taassuma anisuaanik arnamik allamik angutip katissimasatut apparinngisaanik imaluunniit apparinngisaanik kinguaassiorsinnaanermut ikiorneqarluni passussinikkut pinngorsimasumut, ataataasutut isigineqassaaq

- 1) kinguaassiorsinnaanermut ikiorneqarneq imaluunniit assingusumik passunneqarneq peqqinnissakkut sulisumit imaluunniit peqqinnissakkut sulisup akisussaaffigisaanik suliarineqarsimappat,
- 2) angut allakkatigut akuersisimappat, arnaq aalajangersimasoq passunneqarnermik tiguisuussasoq,
- 3) meeraq taamaaliornikkut pinngorsimasutut ilimagisariaqarpat aamma
- 4) angut allakkatigut nalunaarsimappat, meeqqamut ataataassalluni.

§ 27 c. Suliani §§ 27, 27 a, 27 b imaluunniit 28-mit pineqanngitsunit, anisuumik tunisisoq meeqqamut taassuma anisuaa atorlugu kinguaassiorsinnaanermut ikiorneqarluni passussinikkut imaluunniit assingusumik passusinikkut pinngorsimasumut ataataasutut isigineqassaaq, anisooq taassuma ilisimannngisaanik imaluunniit toqunerata kingorna atorneqarsimannngippat.

§ 28. § 27, § 27 a, imm. 1, imaluunniit § 27 b allamik malitseqaarsimannngippat, anisuumik tunisisoq meeqqamut, taassuma anisuaa atorlugu kinguaassiorsinnaanermut ikiorneqarluni passussinikkut imaluunniit assingusumik passussinikkut pinngorsimasumut ataataasutut isigineqassanngilaq, anisooq timip ipiutaasartaanik katersuivimmut anisuunik siammarterisumut, peqqinnissakkut sulisumut imaluunniit inummut, peqqinnissakkut sulisup akisussaanerata ataani sulisumut tunniunneqarsimappat.

§ 29. Kapitali 1-4-mi aalajangersakkat tamatuma saniatigut assingusumik atuutissapput.

Anaanaassuseq

§ 30. Arnaq, meeqqamik erniarinnittoq, meeqqamut anaanaasutut isigineqassaaq.

Kapitali 6

Taartaasumik anaanaassuseq

§ 31. Arnap meeqqamik erniarinnittup, erninerup kingorna meeqqamik inummut allamut tunniussinisanik isumaqatigiissut atorsinnaanngilaq.

Kapitali 7

Naalagaaffiup Sinniiisuata ilitsersuisussaatitaanera

§ 32. Naalagaaffiup Sinniiisua apeqquutit, peqqussummut matumunnga attuumassuteqartut, pillugit pisariaqartumik annertussusilimmik ilitsersuisassaaq, tamatumalu saniatigut immersugassanik il.il. immersuinnermut ikiutissalluni.

Kapitali 8

Aalajangersakkat assigiinngitsut

§ 33. Isumaginninnermut Utoqqarnullu ministeri peqqussut manna malillugu sulianik suliarinninnermut maleruagassanik aalajangersaassaaq, tassunga ilanngullugit palasip allattaavissuarnik allattuisuusup aamma Naalagaaffiup Sinniiisuata ataataassutsimik anaanaqataassutsimik nalunaarsugaannut tunngasunik, Naalagaaffiup Sinniiisuata ataataassuseq aamma anaanaqataassuseq pillugit sulianik suliarinninneranut tunngasunik, piffissap anaanaasup naartulerfigisaata naatsorsorneranut, aamma inatsisitigut ilalisaatinik misissuinnermut tunngasunik. Isumaginninnermut Utoqqarnullu ministeri Naalagaaffiup Sinniiisuata suliamik ingerlatsineranut naammagittaalliutit suliarineqarnerannut maleruagassanik qanimut aalajangersaasinnaavoq, tak. § 35, imm. 2.

Imm. 2. §§ 14, 19, 27, 27 a og 27 b malillugit immersugassat ataataassutsip aamma anaanaqataassutsip nalunaarsorneqarnissaannut atorineqartussat aamma akuersissutiginninnermut nalunaaruteqarnermullu atorineqartussat Isumaginninnermut Utoqqarnullu ministerimit akuerineqarsimasussaapput. Isumaginninnermut Utoqqarnullu ministeri aalajangiisinnnaavoq, immersugassani taakkunani atsiorderit eqqartuussissuserisumut imaluunniit ilumoortuunermut uppersaasunit marlunniit imaluunniit allatut uppersaasneqarsimassasut.

Imm. 3. Isumaginninnermut utoqqarnullu ministeri aalajangiisinnnaavoq, nunani allani akuersissutiginninnermut Naalagaaffiup Sinniiisuanut akuersissutiginninnermut naligitinneqassasog.

§ 33 a. § 2, imm. 1, malillugu nalunaarut palasimut allattaavissuarnik allattuisuusumut tunniunneqassaaq digitalimik aqqiissutip, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup atugassanngortissimasaata (digitalimik imminut sullinneq), atorineqarneratigut. Nalunaarutit, digitalimik imminut sullinnikkut tunniunneqanngitsut, palasimit allattaavissuarnut allattuisuusumit itigartinneqassapput, taamaattoq tak. imm. 3 aamma 4.

Imm. 2. § 3 b, imm.1 malillugu, §§ 4, 5, 6 a aamma 21-24 malillugu ataataassutsimik imaluunniit anaanaqataassutsimik suliassanngortitsinissamik imaluunniit suliamik suliarinneqqilernissamik qinnutiginninneq aamma § 14 malillugu ataataassutsimik imaluunniit anaanaqataassutsimik akuersissutiginninnissamik qinnutiginninnermi immersugassaaq Naalagaaffiup Sinniiisuanut tunniunneqassaaq digitalimik aqqiissummik, Naalagaaffiup Sinniiisuata atugassanngortitaanik (digitalimik imminut sullinneq) atuinnikkut. Nalunaarutit qinnutiginninnerillu, digitalimik imminut sullinnikkut tunniunneqanngitsut, Naalagaaffiup Sinniiisuanit itigartinneqassapput, taamaattoq tak. imm. 3 aamma 4.

Imm. 3. Pissutsinik immikkut ittunik atuuttoqarpat, innuttaasut digitalimik imminut sullinnermik atuinnissamut ilimagineqanngiffigisaannik kinguneqartunik, oqartussat, tak. imm. 1 aamma 2, neqeroorutigissavaat, nalunaarutit imaluunniit qinnutiginninnerup imm. 1 aamma 2 malillugit digitalimik imminut sullinnermit allaanerusumik tunniunneqarsinnaanissaa. Oqartussat, tak. imm. 1 aamma 2, aalajangissavaat, nalunaarut imaluunniit qinnutiginniineq 1. pkt.-imi pineqartut qanoq tunniunneqassanersut, tassunga ilanngullugit taakkua oqaasiinnakkut imaluunniit allakkatigut tunniunneqassanersut.

Imm. 4. Oqartussat immikkut illuinnartumik pissutsit imm. 3-mi taaneqartut saniatigut nalunaarummik imaluunniit qinnutiginninnermik, digitalimik imminut sullinnikkut tunniunneqarsimannngitsunik, itigartitsinnngissinnaapput, aningaasaqarnikkut ataatsimoortumik naliliineq aallaavigalugu nalunaarutit imaluunniit qinnutiginninnerup digitaliuunngitsumik allatut tigunissaa oqartussanut erseqqissunik iluaqutissartaqarpat.

Imm. 5. Digitalimik nalunaarut imaluunniit qinnutiginninneq apuussimasutut isigineqassaaq oqartussanit tiguneqarsinnaalerpat.

§ 34. Danmarkimi naalakkersuisut naalagaaffinnut allanut isumaqatigiissuteqarsinnaapput Danmarkimi aamma nunat allat akornanni meeqqamut ataataassutsip, anaanaqataassutsip aamma anaanaassutsip aalajangersarneqartarneranut inatsisitigut maleruagassat pillugit pissutsinik. Isumaqatigiissut Lovtidendemi nalunaarutiginninnerup kingorna Kalaallit Nunaanni atuutissaaq.

Imm. 2. Isumaginninnermut utoqqarnullu ministeri meeqqamut ataataassutsip, anaanaqataassutsip anaanaassutsillu aalajangersarneqartarneranut Danmarkimi aamma nunat avannarliit allat akornanni maleruagassat pillugit pissutsit pillugit maleruagassanik aalajangersaasinnaavoq.

§ 35. Peqqussut manna malillugu Naalagaaffiup Sinniisuata aalajangiineri allaffissornikkut oqartussamut allanut ingerlateqqinneqarsinnaanngillat.

Imm. 2. Kapitali 2, 4 aamma 5 malillugit suliani Naalagaaffiup Sinniisuata suliamik suliarinninnera Isumaginninnermut Utoqqarnullu ministerimut naammagittaalliuutigineqarsinnaavoq.

Kapitali 9

Atuutilersinneqarnera il.il.

§ 36. Peqqussut atuutilersinneqassaaq ulloq [dato], taamaattoq tak. 2. pkt. Isumaginninnermut Utoqqarnullu ministeri § 33 a-p atuutilersinneqarnissaanut ullormik aalajangersaassaaq.

Imm. 2. Peqqussut meeqqanut, peqqussutip atuutilerenera sioqqullugu inunngorsimasunut, atuutissanngilaq, taamaattoq tak. imm. 4 aamma 5. Meeqqanut taakkununga maleruagassat maannamut atuuttut atuutissapput, taamaattoq tak. imm. 3.

Imm. 3. § 22-mi aalajangersagaq, tak. § 26, meeqqanut peqqussutip atuutilerenera sioqqullugu inunngorsimasunut, aamma atuutissaaq.

Imm. 4. §§ 27, 27 a aamma 27 b meeqqanut kinguaassiorsinnaanermut ikiorneqarnikkut imaluunniit assingusumik passunneqarnikkut pinngorsimasunut atuutissanngillat, tamatumunnga akuersineq meeqqamullu ataataanissamik imaluunniit anaanaqataanissamik nalunaarut peqqussutip atuutilernissaa sioqqullugu pisimappata.

Imm. 5. §§ 27 c aamma 28 atuutissanngillat, kinguaassiorsinnaanermut ikiorneqarluni passunneqarneq imaluunniit assingusumik passunneqarneq peqqussutip atuutilernissaa sioqqullugu pisimappata.

§ 37. (Peqqussummi matumani Kalaallit Nunaannut atuutilersinneqassanngilaq)

§ 38. (Kalaallit Nunaannut atuutilersinneqassanngilaq)

§ 39. Peqqussutit meeqqat pillugit inatsisip malitsigisaanik pilersinneqartut Kalaallit Nunaannut atuutinngillat.

Imaasa allassimaffiat

Kapitali 1 Erninnermut atatillugu ataataassutsimik nalunaarsuineq

Kapitali 1 a Erninnermut atatillugu anaanaqataassutsimik nalunaarsuineq

Kapitali 2 Naalagaaffiup sinniisoqarfiani ataataassutsimik aamma anaanaqataassutsimik suliaq

Kapitali 3 Eqqartuussivimmi ataataassutsimik aamma anaanaqataassutsimik suliaq

Kapitali 4 Suliarinneqqilerneq

<u>Kapitali 5</u>	Kinguaassiorsinnaanermut ikiorneqarnermi imaluunniit assingusumik passunneqarnermi ataataassuseq, anaanaqataassuseq aamma anaanaassuseq
<u>Kapitali 6</u>	Taartaasumik anaanaassuseq
<u>Kapitali 7</u>	Naalagaaffiup sinniisoqarfiata ilitersuisussaaitaanera
<u>Kapitali 8</u>	Aalajangersakkat assigiinngitsut
<u>Kapitali 9</u>	Atuutilernera il.il..

¹ Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununnga atuutilersinneqarsinnaalluni, allanngutit Savalimmiuni Kalaallit Nunaannilu pissutsinit piumasarineqartut tunngavigalugit.«

² Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununnga tamakkiisumik ilaannakuusumilluunniit atuutilersinneqarsinnaalluni, allanngutit Savalimmiuni Kalaallit Nunaannilu pissutsinit immikkut ittunit piumasarineqartut tunngavigalugit.«

³ Aalajangersagaq ima oqaasertaqarpoq: »§§ 1, 9, 10, 11 aamma 14 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

⁴ Aalajangersagaq ima oqaasertaqarpoq: »Inatsimmi §§ 1-4 aamma 7 kunngip peqqussutaatigut Savalimmiunut Kalaallit Nunaannullu tamakkiisumik ilaannakuusumilluunniit atuutilersinneqarsinnaapput, allannguutit Savalimmiuni Kalaallit Nunaannilu pissutsinit piumasarineqartut tunngavigalugit.«

⁵ Aalajangersagaq ima oqaasertaqarpoq: »§§ 3 aamma 4 aamma § 6, nr. 1 aamma 3, kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

⁶ Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununnga tamakkiisumik ilaannakuusumilluunniit atuutilersinneqarsinnaalluni, allanngutit Savalimmiuni Kalaallit Nunaannilu pissutsinit immikkut ittunit piumasarineqartut tunngavigalugit.«

⁷ Aalajangersagaq ima oqaasertaqarpoq: »§§ 5-9 aamma 15 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

⁸ Aalajangersagaq ima oqaasertaqarpoq: »§§ 1-4, 7, 8 aamma 11 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

⁹ Aalajangersagaq ima oqaasertaqarpoq: »Imm. 4. §§ 1-4, 6-12, 17-20, 27 aamma 39 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

¹⁰ Aalajangersagaq ima oqaasertaqarpoq: »§§ 1-9 aamma 11 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«